

**KERATAN AKHBAR-AKHBAR TEMPATAN**  
**TARIKH: 25 JULAI 2014 (JUMAAT)**

<b>Bil</b>	<b>Tajuk</b>	<b>Akhbar</b>
1.	Perkukuh, perluaskan jaringan bioteknologi	Utusan Malaysia
2.	Malaysia tambah pakar bantu kenal pasti mangsa	Berita Harian
3.	Bodies may hold vital clues	New Straits Times
4.	'Remains won't arrive before Raya'	New Straits Times
5.	Personnel to help with identification and post-mortem of victims	The Star
6.	DNA samples taken from families	The Star
7.	Planetarium Negara tutup empat hari	Utusan Malaysia
8.	Hot and dry days for next two months	The Star
9.	Schools ready to face haze	The Sun

**KERATAN AKHBAR**  
**UTUSAN MALAYSIA (RENCANA) : MUKA SURAT 15**  
**TARIKH : 25 JULAI 2014 (JUMAAT)**

## Perkukuh, perluaskan jaringan bioteknologi

Oleh **NURUL HUDA HASSAN**  
pengarang@utusan.com.my

SEJAK Pelan Transformasi Bioteknologi (BTP) negara diperkenalkan pada 2012, mereka yang terlibat dalam bidang berkenaan giat mencari peluang menerusi pelbagai aspek dalam usaha untuk mengukuhkan lagi industri itu di Malaysia. Malah, sehingga hari ini pihak tersebut terus berusaha memperhebatkan industri terbabit bagi merealisasikan hasrat menjadikan Malaysia sebagai salah satu pusat kecemerlangan dunia dalam bidang bioteknologi menjelang tahun 2020.

Tidak hanya duduk diam, satu demi satu aktiviti digerakkan dari menjayakan pelbagai program berkaitan selain mempertingkatkan usaha untuk menarik pelabur berpotensi ke Malaysia sekali gus menjalinkan kerjasama bersama.

Industri berasaskan bioteknologi menerusi pelbagai penghasilan produk seperti menerusi bidang pertanian dan perindustrian juga dilaporkan dijangka mampu menyumbang sebanyak RM150 bilion kepada Keluaran Dalam Negara Kasar (KDNK) menjelang tahun 2020. Jumlah ini jelas menunjukkan bidang bioteknologi turut memainkan peranan penting dalam menyumbang kepada pertumbuhan ekonomi negara sekali gus pelbagai perancangan perlu dibuat bagi menjayakan usaha tersebut.

Johor juga tidak ketinggalan untuk merebut peluang dalam industri bioteknologi menerusi Perbadanan Bioteknologi & Biodiversiti Negeri Johor (J-Biotech) yang kini sedang rancang merancang pelbagai seminar, program dan kerjasama. Memilih Taiwan sebagai destinasi antarabangsa pertama untuk memastikan bidang bioteknologi dapat terus diperhebat di Malaysia khususnya di Johor, Seminar Kerjasama Johor : Ekonomi Bioteknologi Malaysia-Taiwan dianjurkan.

Bertempat di Hotel Grand Hyatt yang terletak berhadapan Menara Taipei 101 atau dikenali sebagai Pusat Keunggulan Taipei di Taiwan, merupakan menara kedua tertinggi di dunia dengan menasarkankan pemain industri itu di republik berkenaan.

Taiwan dipilih kerana mempunyai satu struktur dan ekosistem dalam bidang bioteknologi yang boleh dicontohi Malaysia amnya dan negeri Johor khususnya, malah turut disokong dengan pelbagai insentif oleh kerajaan Taiwan.

Seminar tersebut turut disertai **Malaysia Biotechnology Corporation Sdn. Bhd. (Biotech Corp)**, Lembaga Pembangunan Pelaburan Malaysia (MIDA), Pusat Pelaburan Negeri Johor (JSIC), Tourism Malaysia Johor dan agensi kerajaan lain. Turut menyertai program tersebut adalah Pengerusi Jawatankuasa Pelancongan, Perdagangan dan Kepenggunaan Johor, Datuk Tee Siew Kieng.

Mengulas mengenai seminar tersebut, Ketua Pegawai Eksekutif, Wan Amir Jeffery Wan Abdul Majid berkata, ia dianjurkan bagi mewujudkan satu penglibatan yang aktif antara mereka yang terlibat selain menjalin kerjasama yang baik.

Ia juga katanya, satu usaha meningkatkan persaingan sektor ekonomi bioteknologi yang kini sedang pesat berkembang dan membangun di Malaysia sekali gus menasarkankan untuk menarik pelaburan berkaitan ke negara.

"Kita juga mahu menguar-uarkan lagi kewujudan Malaysia amnya dan Johor khususnya sebagai negara yang berpotensi untuk menawarkan peluang pelaburan yang terbaik dalam bidang perniagaan berasaskan bioteknologi.

"Negara kita mempunyai beberapa tarikan yang boleh membantu menarik pelabur dari Taiwan seperti di Johor yang kini menjadi tumpuan pelabur kerana disifatkan sebagai satu lokasi strategik dan berbaloi untuk pelaburan.

Justeru, beliau mengharapkan seminar itu mampu menjadi platform kepada pihak berkaitan untuk mewujudkan kerjasama dan memperluaskan jaringan antara kedua-dua negara di masa akan datang.

# Malaysia tambah pakar bantu kenal pasti mangsa

» *Belanda beri kepercayaan bagi percepat proses pengecaman*



**M**alaysia terus meraih kepercayaan Belanda apabila diminta menambah bilangan pakar bagi membantu proses mengenal pasti identiti mangsa nahas pesawat MH17 yang dijalankan di kem tentera Hilversum, kira-kira 45 kilometer dari Amsterdam.

Ketika ini, 28 pakar forensik dan penyiasat perubatan Malaysia membantu pasukan Pengecaman Mangsa Bencana (DVI) yang diketuai oleh Belanda.

Menteri Pengangkutan, Datuk Seri Liow Tiong Lai, berkata pertambahan berikutnya

membabitkan 11 pakar yang ketika ini masih berada di Kharkiv, Ukraine bagi urusan penghantaran mayat mangsa, menjadikan jumlahnya 39 orang dengan pasukan DVI Malaysia diketuai Dr Mohd Shah Mahmud.

"Kumpulan ini membabitkan pakar daripada Polis Diraja Malaysia (PDRM), Angkatan Tentera Malaysia (ATM), Jabatan Kimia dan Kementerian Kesihatan.

"Pertambahan bilangan ini adalah permintaan Kerajaan Belanda yang memahami pentingnya urusan mengenal pasti identiti dan pengecaman dilakukan dengan secepat mungkin.

#### Proses ikut prosedur

"Pada masa sama, prosesnya perlu mengikut prosedur ditetapkan tanpa kompromi dalam mana-mana aspek kerana kita mahu memulangkan jasad yang betul kepada ahli keluarga dan waris mangsa," katanya kepada media Malaysia di sini, semalam.

Tiong Lai berkata, operasi pasukan Malaysia yang membantu urusan penghantaran



mayat di Kharkiv ditutup berikutan ketibaan kumpulan terakhir di Eindhoven.

Kelmarin, 40 keranda mayat mangsa dihantar menerusi penerbangan khas pesawat Hercules C-130 milik Tentera Udara Diraja Belanda dan C-17 Globemaster Tentera Udara Diraja Australia ke pangkalan penerbangan tentera Eindhoven.

Ia diikuti 80 mayat mangsa yang dihantar semalam dan bakinya dijadual tiba hari ini dengan semuanya menerima penghormatan penuh adat istiadat ketenteraan.

Mengulas dakwaan 40 mayat yang tiba kelmarin turut membabitkan rakyat Malaysia, Tiong Lai berkata, belum

ada pengesahan diterima dan saya akan menjadi orang pertama dihubungi pasukan DVI kita di Hilversum sebaik ada rakyat kita dikenal pasti.

#### Pemeriksaan berulang

Katanya, Malaysia turut meminta kerjasama Kerajaan Ukraine melakukan pemeriksaan berulang di lokasi nahas di Donetsk bagi memastikan tiada aspek yang terlepas pandang, termasuk cebisan anggota badan mangsa.

"Pakar berupaya mengesan dan mengenal pasti punca sebenar kejadian menerusi bukti yang diperoleh pada mayat atau fragmen ditemui," katanya.

Sehubungan itu, Tiong Lai meminta semua pihak terutama keluarga mangsa memberi ruang secukupnya bagi pasukan pakar teknikal mengenal pasti mayat memandangkan tragedi MH17 adalah jenayah antarabangsa.

Tegasnya, komitmen Malaysia dalam menangani isu nahas MH17 tidak berubah sejak hari pertama dan cabaran pertama iaitu membawa keluar mayat dilepasi dengan baik.

